



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1858

2405. Der Landvogt der Nieder-Lausitz, Georg von Schellenberg, gelobt
dem Kurfürsten Joachim und dem Markgrafen Albrecht, dem mit dem
Herzog Siegmund geschlossenen Verträge nachzukommen, am 14. April ...

Nutzungsbedingungen

[urn:nbn:de:hbz:466:1-56621](https://nbn-resolving.org/urn:nbn:de:hbz:466:1-56621)

2405. Der Landvogt der Nieder-Laußig, Georg von Schellenberg, gelobt dem Kurfürsten Joachim und dem Markgrafen Albrecht, dem mit dem Herzog Siegmund geschlossenen Verträge nachzukommen, am 14. April 1507.

Durchlauchten, hochgebornnen Fursten, mein vnuordrossen dinst vngesperts fleis zuuoran, Gnedigste vnd gnedige hern. Ich Bitte ewere furstliche gnaden geruchen zu wissen, das mich die konigliche Maiestat zew Hungern, Behemen etc., mein allergnedigster herre, in das Marggrauethumb Nydder lawfitz zu lantvoyte verordent vnd in befelh gegeben, mich gegen e. f. g. zeimlichs dinstes vnd e. f. g. vnderthanen Nachbarlichs willens zuwleissen, sunderlich in halt etzlich beredung vnd vortrege, zwischen deme durchleuchtigsten Fursten vnd heren, heren Sigemundt, koninge zu polan etc., die zeit als obersten koniglichen Stathelder etc., meinen gnedigsten heren vnd e. f. g. gescheen, zurichten, welchen gebotten mir zuentgegen in keyn weyßs zuleben geburen will, anders den Meins vormugens gehorsamlich zuuolbringen, gantz gewillet, der Zuorsicht, e. f. g. werde es auch dermos beschaffen vnd den ewern amptlewten vnd vnderthanen Nachbarlich zuerzeigen gebitten, gleicher weyße solchs von mir nach meyn ampts verwantten vngeandert vorfolget werden, welchs ich e. f. g. im aller besten nicht vorhalden dinstlichen befehle. Geschriben zu lubbyn, am Mitwoch Nach Quasimodogeniti, anno etc. septimo. E. f. G. williger

Georg von Schellenberg,
her vf kost, yegerndorf, lubschitz etc.,
lanntvoit zu lausitz.

Nach dem Churm. Lehnscopialbuche IV, 96 b.

2406. König Wladislaw von Ungarn und Böhmen bestätigt den mit dem König Siegmund von Polen, als früherem Statthalter der Laußig und in Schlesien, geschlossenen Vertrag, am 24. Mai 1507.

Wir Wladislaus, von gotts gnaden zu hungern, Behemen etc. konig, Marggraue zu Mehrern etc., Embieten den hochgebornnen Fursten, hern Joachim, Churfursten, vnd hern Albrechten, gebrudern, Marggrauen zu Brandenburg, zu Stettin, pomern etc. hertzogen, Burggrauen zu Noremberg vnd Fursten zu Ruggen, vnsern liben Ohemen vnd frunden, vnser lieb vnd fruntschaft beuor. Hochgebornnen Fursten, liben ohemen vnd frunden. Es hatt der durchleuchtigst Furst, her Sigemundt, konig zu polen etc., vnser liebster bruder, die zeit sein lieb oberster Statthelder durch Slesien vnd Lawfitz gewest, aus vnserm befelh vnd willen etlicher maffe, vortrege vnd voreynigung durch ewer liebden beyderseit Rethe zew befrydung der lannde vnd erhaltung gutter Nachbartschaft auffgericht vnd gemacht. Dieweil wir